



7. juli 2015

Inatsisartut suleriaasiat najoqqutaralugu maanna Naalakkersuisunut apeqquteqaat § 37 atorlugu saqqummiuppara:

Apeqqutit:

1. Nakuusertarneq akiorniarlugu aningaasaliissutit 2 mio. kr.-it ukioq manna ukiumulu tulluuttuni aningaasaqarnermut inatsimmi iliuusissatut pilersaarut piviusunngortinneqarnissaanut illikartinneqartut Naalakkersuisunit suliniutaasut qanoq pingaarnersiorlugit tullerriaarnilersorniarneqarpat piviusunngortinneqarnissaani?
2. Nakuusertarneq akiorniarlugu aningaasaliissutit 2 mio. kr.-it Naalakkersuisunit nalilerneqarnerpat ilumut akiuiniarnissamut naammattumik annertussuseqartut?
3. Iliuusissatut pilersaarutit eqqarsaatigalugit Naalakkersuisut Kommuninik suleqateqarniarneri qanoq ilusilersorneqarpat?
4. Suliniutaasut "Oqaatigiuk! Persuttaaneq unitsilli" aamma "Inooqateqarnerit.gl" aammalu "Aappariippugut?" Naalakkersuisut nangitseqarnissaanik eqqarsaasersuuteqarpat?
5. Illoqarfinni/nunaqarfinni qassini "Angerlarsimaffiup iluani nakuuserata oqaloqatigiitta" nuna tamakkerlugu aallarnisarneqarnikuuppat?
6. Suliniummut tunngatillugu nunaqarfinni allatut aallarnisaaniarnissat pisariaqartinneqarneri naammattoorneqarpat tamatumani kommunefogedeqartoqartillugu aammalu ilinniarnissamik neqeroorutit pisariaqartinneqartunik neqeroorfigineqarsimappat?
7. "Angerlarsimaffiup iluani nakuuserata oqaloqatigiitta" Kalaallit Nunaat tamakkerlugu atuutilersinneqarnissaanut aningaasaliissutit qassit pisariaqartinneqarpat?
8. Kiap akisussaaffigivaa "Angerlarsimaffimmi oqaloqatigiitta nakuuserata"-p piviusunngortinneqarnissaanut?

(Inatsisartunut ilaasortaq, Juliane Henningsen, Inuit Ataqatigiit)

Tunngavilersuut:

Angerlarsimaffimmi nakuuserarneq suli ajornartorsiutaavoq annertoq; meeqqat ersiorlutik inuupput aammalu angerlarsimaffimmini tarnikkut timikkullu nakuuserfigineqarnernik misigitinneqartartut amerlapput. Taamaammat innuttaasuni pingaaruteqaqisumik aalajangersimasunillu iliuusissanik Naalakkersuisut nakuuserneq akiorniarlugu iliuusissatut pilersaarutit qanimut malittarisariaqarpaat.

Politiit 2013-imi "Angerlarsimaffimmi oqaloqatigiitta nakuuserata" periuseq aallarnisarpaat Kalaallit Nunaani tamani atuuttussanngortinneqarnissaa siunnerfigalugu. Naalakkersuisut siuariarnerit pillugit nalunaarusiaanni 2015-imeersumi politiit nalunaarutigaaq suliniut pineqartoq neriunartunik takussutissiisimasoq. Sisimiuni misiliutaasumik aallarnisarneqarnerani angerlarsimaffimmi eqqissiviilliornerit 20 procent-imik appariarfiusimapput. Ilaqutariillu suliassani pineqartut nalunaarutigisimallugu iluaallassimanertik nalunaarutigalugu. Naatsumik oqaatigalugu "Angerlarsimaffimmi nakuuserata oqaloqatigiitta" Kalaallit Nunaat tamakkerlugu siammarterlugu atuutsinneqartariaqarpoq. Siuariarnermilli nalunaarusiami nalunaarsorneqarpoq Politiit sumiiffinni inunnik isumaginnittoqarfinni allaffeqarfinnik suleqateqarniarnermik ajornartorsiorfeqarsimaneq, inunnik isumaginnittoqarfiit allaffeqarfiinik suleqatiginninnissamik isumaqatigiissutinik atsioqatigiinnissat amigaatigineqarmata. Suliniut aallarnisarneqartoq allaffissornikkut pissutsinik unikaallatsinneqartariaqarsorinangilaq, Naalakkersuisullu akisussaaffitsik tigusariaqarpaat "Angerlarsimaffimmi oqaloqatigiitta nakuusernata"-p atuutilersinneqarnissaanilu inuaqatigiinni tamani illoqarfinni nunaqarfinnilu tamani ilaqutariinnut nakuusernermik naalliuuteqartut iluaquserneqarnissaani suliniuteqarnerni suliassamik kivitseqataallutik suliniutit ingerlattariaqarpaat.

Qinnutigissavara ullut suliffiusut qulit ingerlanerini akissuteqarfigineqarnissara.